


اؤلکه‌میزده بلوغ یاشینداکی اوشاقلارین بویو 4 سانتی متر آچالیب

اؤلکه‌میزین راهنمای و دبیرستان مقطعلری محصلرینین جمعیتینده کی سون تحقیقات، بو یاشداکی اوشاقلارین بویلارینین 4 سانتی متر آچالماسی و دبشلیرینین قاباقکی نسله گۆره یوزده اوتوز داها چوخ خراب اولماسینی گۆرسدیر.



اؤلکه‌میزین راهنمای و دبیرستان مقطعلری محصلرینین جمعیتینده کی سون تحقیقات، بو یاشداکی اوشاقلارین بویلارینین 4 سانتی متر آچالماسی و دبشلیرینین قاباقکی نسله گۆره یوزده اوتوز داها چوخ خراب اولماسینی گۆرسدیر.

اعتمادین وئردیغی خبره گۆره، کئچن 20 ایل بویوندا جمعیتیمیزین چوخالماسینا باخمایارق سوت محصوللارینین مصرفی فقط مینده بیر آرتیب.

رسمی خبرلره گۆره، کئچن ایللرده سوت محصوللاریندان سوبسیدین حذف اولماسی اینن بو محصوللارین مصرفینده یوزده 22 آزالما مشاهده اولوب. بو مسأله‌نین اساس عاملی سوت محصوللارینین باهالاشماسی اولسا دا آیری عاملی‌ده انسانلاریمیزین یوک و چپس کیمی محصوللارین مصرفینه اوز گتیرمه‌سی اولاییلر.

تغذیه تحقیقات انستیتوسونون سابق رئیسی ناصر کلانتری اعتمادینان دانیشیقدا قورخولو بیر آمارا اشاره ائله‌دی. او دئدی: "جامعه‌میزین یوزده 20-سی گونده‌لیق یئم‌اقلارینی تأمین ائله‌ماغا عاجز‌دیلر. اولارین بعضیسی حتّی لازم اولان یاون چؤرگی‌ده آلا بیلیرلر.

دقت ائله‌ماق لازمدیر کی کره، قیماق و خاما سوت محصوللاری سیراسیندا یئرلشمیرلر بلکه یاغ حساب اولونورلار.

بهداشت وزارتینین رسمی آمارینا گۆره، اؤلکه‌میزده سوتون باشلیق مصرفی 80 لیتردن اوسته قالخمیر. آما بو آمار دنیا‌دا آدم باشی 190 و غربی اوروپاردا آدم باشی 500 لیتردیر. یعنی متوسط حالدا اؤلکه‌میزده هر انسان ایله 80 کیلو سوت ایچیر آما بیر فرانسه‌لی ایله 500 لیتر.

بو بیر حال‌دایر کی اؤلکه‌میزده ایله 3 میلیارد تومن گزلی نوشابه‌لره وئرلیلر و بو زمینده دنیا‌دا بیرینجلیق اله گتیرمیشوق. دنیا‌دا گۆی و میوه مصرفی انسان‌ی ایله 120 کیلو اولان حالدا بیزیم اؤلکه‌ده 30 کیلودان چوخ اولمور.

گۆره‌سن واختی گل‌میب یئدیغیمیزا بوندان آرتیق دقت ائله‌یاق؟